

Rite colunt Mufas , & ruftica carmina dicunt
Infantes) feſe paſtoribus inferet , atque
Abiiciet ſceptrum , & poſito diademate , & ipſo
Nomine mutato , cultu gaudebit agreſti .

Idne ſeram ? Jamdudum alto qui debitus Axi ,
Confuſus turmis lateat ſilveſtribus Heros ?
Haud equidem . Fragili necdum compage ſoluta
Membroium , nec morte obita (frangam omnia jura
Scilicet , atque novæ reddam nova præmia laudi) ,
Nec terris raptum Djs immortalibus addam ,
Djs , qui regna tenent cæleſtia , Cælicolaſque
Sublimem primos inter ſuper æthera ſedem
Educam , quo ſe terris attollere ab imis
Cum libet , & pura conſidere poſſit in aura ,
Cumque libet terras iterum deſcendere ad imas
Unde queat , curæque ſuæ concredita regna ,
Divino Arcadicos tutari & numine cœtus .

Sic ait , & Stygiæ jurat per ſtagna paludis ,
Fulmineaque notat felicia cuspide fata .

Hæc igitur promiſſa dies . Deus additur Aſtris
Euthymius , fronti Divinum aſpirat honorem
Jupiter , & flammis ardent cæleſtibus ora .
Læta novum merito numen veneratur honore
Arcadia , & feſtis implet clamoribus antra ,
Jamque pærem Phœbo , paribuſque per æthera , terraſque
Ardentem radiis celebrat : jam vota volenti
Exhibet ; ac pictos attollens pariete vultus
Præſidium petit , & fœcundam in carmina venam .
Annuit , & muta divinam ab imagine lucem
Ille vomit : fulget radiis ardentibus antrum ,
Et nemus , & ſacri fulgent capita ardua montis .

